

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SAPNA
Općinski Načelnik

Broj: 01-33-1656/25
Sapna, 05.09.2025.godine

Na osnovu člana 15. stav 1. tačka 2. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), člana 66. Zakona o pravima, obavezama i odgovornostima pacijenata ("Službene novine Federacije BiH", broj 40/10), člana 22. Statuta općine Sapna („Službeni glasnik općine Sapna“ broj 6/07, 8/09 i 3/12) i člana 5. Odluke o osnivanju Zdravstvenog savjeta na nivou Općine Sapna („Službeni glasnik općine Sapna“ broj 7/17,) Općinski načelnik objavljuje:

J A V N I P O Z I V
za izbor i imenovanje članova Zdravstvenog savjeta

I

Objavljuje se Javni poziv za izbor i imenovanje članova Zdravstvenog savjeta Općine Sapna (u daljem tekstu: Zdravstveni savjet), a u cilju ostvarivanja i unapređenja prava pacijenata i provođenja društvene brige za zdravlje građana općine Sapna.

II

Zdravstveni savjet broji osam članova i čine ga:

- predstavnik općine,
- predstavnik pacijenata,
- predstavnik mladih,
- predstavnik komora iz oblasti zdravstva,
- predstavnik stručnih udruženja,
- predstavnik sindikata zdravstva,
- predstavnik zdravstvenih ustanova odnosno privatnih praksi,
- predstavnik crvenog krsta/križa općine

III

Zdravstveni savjet obavlja slijedeće poslove:

- predlaže i evaluira sprovođenje zdravstvene zaštite na području općine,
- daje mišljenje na planove i programe zdravstvene zaštite za područje općine, te predlaže mjere za poboljšanje dostupnosti kvaliteta zdravstvene zaštite na svom području,
- prati primjenu propisa na području općine koji se odnose na zaštitu prava i interesa pacijenata,
- organizuje obrazovne kurseve za građanstvo iz poznavanja materije i pravima pacijenata i postojeće legislative,
- daje preporuke za organizaciju kurseva uzdravstvenim ustanovama radi upoznavanja rukovodstva i zdravstvenih radnika s konceptom prava pacijenata, legislativom i odgovarajućim nužnim promjenama u zdravstvenim ustanovama,
- prati povrede pojedinačnih prava pacijenata na području općine,
- predlaže preduzimanje mjera za zaštitu i unapređenje prava pacijenata na području općine,
- bez odgađanja obavještava zdravstveni savjet u kantonalnom ministarstvu o slučajevima težih povreda prava pacijenata koje mogu ugroziti život ili zdravlje pacijenata,
- podnosi općinskom vijeću, općinskom načelniku i kantonalnom ministarstvu godišnji izvještaj o svom radu,
- obavještava javnost o povredama prava pacijenata,
- obavlja i druge poslove u skladu sa Zakonom o zdravstvenoj zaštiti i Zakonom o pravima, obavezama i odgovornostima pacijenata.

IV

Prijedloge kandidata za članove Zdravstvenog savjeta općine Sapna mogu dostaviti: institucije i ustanove sa područja općine Sapna, općinski organ uprave, stručna udruženja, udruženja građana, udruženja mladih, komora iz oblasti zdravstva, sindikat zdravstvenih radnika, zdravstvene ustanove odnosno privatne prakse na području općine, crveni krst/križ s područja općine.

V

Kandidat za člana Zdravstvenog savjeta treba da ispunjava slijedeće uslove:

1. da je punoljetni državljanin Bosne i Hercegovine,
2. da ima prijavljenu adresu prebivališta-boravišta na području Općine Sapna,
3. da ima minimalno jednu godinu radnog iskustva u instituciji, ustanovi, udruženju, nevladinoj organizaciji ili zdravstvenom sindikatu,
4. da uživa ugled i ima evidentne rezultate rada u oblasti u kojoj djeluje.

VI

Prijava treba da sadrži kraću biografiju o kandidatu, adresu i kontakt telefon kandidata, te dokaze o ispunjavanju uslova:

1. uvjerenje o državljanstvu,
2. dokaz o mjestu prebivališta (CIPS prijava)
3. dokaz/potvrda o iskustvu u radu u instituciji, ustanovi, udruženju, nevladinoj organizaciji ili zdravstvenom sindikatu koji ga kandidiraju,
4. dokaz/potvrda izdata od strane institucije, ustanove, udruženja, nevladine organizacije ili zdravstvenog sindikata o rezultatima rada u oblasti u kojoj djeluje.

VII

Općinski načelnik će imenovati Komisiju za provođenje Javnog poziva koja će na osnovu pristiglih prijedloga/prijava sačiniti listu kandidata za Zdravstveni savjet općine Sapna.

Nakon provedene procedure, Općinski načelnik će Rješenjem imenovati Zdravstveni savjet općine Sapna na period od 4 (četiri) godine.

VIII

Javni poziv objavljen je na web stranici Općine Sapna dana 05.09.2025. godine, a objavit će se i na RTV „Glas Drine“ Sapna .

Rok za podnošenje prijava je 15 dana od dana objave na web stranici Općine.

Prijave sa potrebnom dokumentacijom treba dostaviti na adresu: Općina Sapna - Općinski načelnik, Ulica 206. Viteške brigade bb, 75 411 Sapna, sa naznakom „Prijava na Javni poziv za izbor i imenovanje Zdravstvenog savjeta - ne otvarati“.

Neblagovremene i nepotpune prijave neće se uzimati u razmatranje.

OPĆINSKI NAČELNIK
Zudin Mahmutović